



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Joannis Pierii Valeriani Bellunensis Hieroglyphica, Sive De
Sacris Ægyptiorum Aliarumque Gentium Literis,
Commentariorum Libri LVIII**

Valeriano, Pierio

[Lipsiae] ; Francofurti Ad Moenum, 1678

Auditus promptus.

urn:nbn:de:hbz:466:1-14259

Ium ait dici templum, ejus autem cœli partes quatuor constitui, sinistram ab Oriente, dexteram ab Occasu, anticam ad Meridiem, posticam ad Septentrionem. Cui Plinius subscribit dicens, errantia fidera contrarium mundo cursum agere, quippe lœvum semper illo in dexteram præcipiti: quamvis Festus anticam eam cœli partem, quæ ad meridiem Sole illustratur, dexteram vocat, ita enim anticam interpretatur: posticam vero ad Septentrionem, sinistram. Alcinous in Græcorum monumentis adnotatum ait morem sacrificandi servatum diu, ut circumcurrent aras, cursum auspicati ab lœvo dextrosum, Zodiaci quadâ imagine, cuius motus sit mundo diversus ad exortum vergens: mox vero à dexteris lœvorum procurrent, quo motu cœlum rotari manifestum. Contra Egyptiorum positionem T. Livius libro ab Urbe condita primo, dexteram ad meridiem partes Augurum instituto, ad Septentrionem sinistras statutas ait. Ad hanc sententiam facit quodpsalmus apud Heb. 89. legitur, *Aquilonem & dextrum tu creasti*, quod nonnulli Austrum interpretantur, alii mare. Cum Hebreis vero consentiunt & Chaldei, qui Austrum ponunt. Sedenim & Auster pro Mari non inepte accipitur, si sphæra recta statuatur polis ad finitorem inclinatis. Nam Egyptii (quos Cleomedes, non postremi nominis author, secutus est) ipsam mundi totius figuram aliter descripsere, utpote qui Aurora esse caput, Borealia dextera, Australia sinistra constituere: maritimisque pescibus, tum ob alias causas, quas loco suo recensuimus, tum ob id præcipue abstinebant, quod Nilum à sinistra ortum, quippe feminea fecundaque parte, in dexteram quippe virilem sterilemque (ita enim erant eorum commenta) illapsum: quippe ubi mare sit, corrumpi dicenter. Nam de mari ipsius sterilitate suo loco diximus, atque ita dexteram oram, hoc est, maritimam, considerato Egypti situ, perditiois symbolum statuebant. Neque hic dissimulandum, quod apud Eucherium, ubi de Aquilone loquitur, qui pro Dæmone accipiatur, invenies eum vocari Dexterum & ita ipsum quoque sibi Dæmeri nomen adsciscere. Nam & Hieronymus quartis Hebræorum castris Aquilonem dextrum appellari tradit, sed falsum ait nomen, cum de Dæmone ejus venti domino intelligatur, qui undecumque sinistra omnia mortalibus suggerat appetenda. Causam Eucherius super Dæmeri nomine aliam ab hac arbitratur, quippe quod perperam agere volenti, dexter adsit obsecundando, suadendo, procliviter attrahendo. Nam illud palam est, ait, in Sacris literis diabolum gestare Aquilonis nomen, ea que locutione quicquid bonis conatibus adversatur accipi: is enim bonorum operum ardorem extinguit, atque omnia frigefacit, & ob id & infideles & impii, contumaces (celeratique) homines, eo notantur hieroglyphico. Unde illud, ab Aquilone pandetur omne malum. Et quia flatus vehementis quo frigidior, eo magis ignem in quem inciderit exfuscat, dictum est, ab Aquilone exarcent mala super terrum. Tetricæ & Poëtæ nostri dexteras lœvasque cœli partes. Sedenim Maro & Naso, nullius addicti jurare in verba magistri, eas non distinxere, Lucanus Egyptiorum adhæsit factio ni, & sententiam ipse suam declaravit eo loco,

*Ignotum vobis Arabes venistis in orbem,
Umbras mirati nemorum non ire sinistras.*

hoc est, in Australes partes non porrigi. In hoc autem id interest, ubi quis universi statuat caput, quo super argumento plura dicere nostrum non est instituti, quare ad ipsas rerum significations revertamur.

AUDITUS PROMPTUS. CAP. VII.

Auditum enim duo ex quadrupedum genere maxime pollent Cervus & Bos: quamvis, ut in A. fino dictum, Aristophanis interpres Murem & asinum præferat: quod alii viderint. Sedenim Cervus, quamvis acerrimi sit auditus, tantisper tamen eo excellit, quandiu arrectas auriculas tenet, quas ubi demiserit, non solum non præstat auditu, verum etiam laborat surditate. In Tauri aures ad audiendum promptæ semper, atque eo præsertim tempore, quo femina prurita exigitata mugierit, quo non amplius quam per horas ad summum tres afficitur, eo tempusculi spatio nisi Taurus accelerit, naturam colligit, neque antea quam yigesimo post die mas à femina repetitur,

A tur, quod raro tamen accidit: quia Taurus quantumlibet longe absuerit, accepta voce statim accurrit. Eaque de causa Aegyptii Sacerdotes per auriculam Tauri pietam, auditum & obsequii fedulitatem indicabant. Pari modo Juvenca quoque Tauro se morigeram praebet. Sane Vaccam Aegyptii Veneri dedicarunt, quam coelestem vocant, & Isidis lux frontem cornibus insignitam ostentabant: quippe ob obsequium quo ipsa quoque Tauro paret, simulac incitati ejus ad Venerem mugitum adierit. Licet vero singulis animantibus voces propriæ ad initium sint, ut Subibus, & Capris, & Ovibus, nulli tamen gravior quam Bubus feminis. In reliquis porro animalium generibus mares gravibus sonant quam feminæ: in Bubus è contrario est, ait Aristoteles; nam Boum femina graviorem quam mas vocem habet.



NEPTUNUS CAP. VIII.

AT cum mugitus pelagi Turino sit non absimilis, & ipsi Neptuno Tauros immolabant, & eum ab eodem mugitu *μυξυτι* appellabant: quia idem Deus à sacerdotibus nonnunquam *ταύρῳ* nuncupatus est. Quos vero Tauros Neptuno sacros esse volebant, undecumque nigros deligi jusserrunt, uta pelagi colorem exhiberent. Atram enim, nigrum, obscuramve maris aquam dicere mos ubique est, unde etiam Aquilam, ab aquæ colore, quippe fusco, dictam volunt. Deumque ipsum *καρυλιον* & *καρυλο* indumento vestitum passim invenimus. Adhuc peccus illi prævalidum, armi que Taurorum in morem carnosiores attribuuntur. Hinc in pulcherrimo Syracusanorum nūmo latum conspicias portum, in cuius medio ea membrorum habitudine Tauris procumbit, Delphinis circum colludentibus. Qui vero ludi Tauri nuncupati fuerunt apud Romanos, haud quaquam Neptuno, sed inferis diis instituti erant ad sedandam pestilentiam, quæ Tarquinio Superbo Rege in mulieres gravidas frviebat: inde scilicet ortam, quod caro Taurina populo dividentia fuerat. De Neptuno vero, qui *ταύρῳ*, ut apud Hesiodum in Scuto Herculis, vocaretur, alii dicunt propter undarum sonum, quæ uti dicebamus, Boum instar mugitant: alii, quia Neptunus Taurina induiebatur galea, vel quia ita eum Boötii vocitabant, à Tauri sacrificio, quod illi erat institutum, de quo Maro:

Taurum Neptuno, Taurum tibi pulcher Apollo.

An. lib. 3.

*Syracusæ
norum nu-
mous.*

*Ludi Tau-
riti.*

FLUVII. CAP. IX.

Quin & fluvios ipsos cornigeros, *ταύρης ἡρατας*, hoc est, Tauricenes, vel *ταύρης ἐράβι*, Tauricipites, ut luculentam apud Græcos locutionem interpretetur, passim effingunt. Hinc Tibris Maroni,

*Corniger Hesperidum flavius regnator aquarum,
Et gemina dunitus Taurino cornua vulci
Eridanus.*

*Enei lib. 3.
Georg. II. 4.*

Ut apud Ovidium in Metam. *Granico nata bicorni*, non ut vulgata habent exemplaria, *Gracili cognata*. *Granico*. Sic Tauriformis Ausfidus Horatio. Nam & Taurum à Perillo Phalaridi done datum, Gelonis fluvii suffit imaginem, apud Pindarum in Pythiis legas. Et Timæus Taurum eum, quamvis ita dica Lib. 4. Cap. 1. *taurus*, ab Agrigentinis in mare projectum asserit, ne qua tam fævi tyranni memoria supereret. *Comminum*. pluribusque demum in locis flumina Taurina specie fingi solita comperimus: ut Eurotas apud Lacedæmonios, Cephisus apud Argivos, Asopus apud Sicyonios & Philiasios fuere: quem tamen Athenienses humana facie figurabant, cornibus tantum à fronte prominentibus, sive propter mugitum, quem,

E

quem,